

爾

雅

正

義

爾雅正義卷第三

文淵閣校經館編修

三級教習庶吉士充國史館纂修官邵

海樓集

言言釋名

言言釋名云言宣也宣彼此之意也上篇釋

言言釋名

而同一實者此篇所釋或連舉為異

耳古有以一句為一言者左氏定四年傳趙簡

子稱子太叔語我九言論語云一言以蔽之曰

思無邪皆以一句為一言也然論語即有以一

字為一言者子貢問有一言而可以終身行之

者乎子曰其恕乎以恕字為一言也戰國策云

臣請三言而已曰海大魚左傳疏引易說云伏

義作十言之教曰乾坤震巽坎離艮兌消息是

則一字為一言其來已久漢書東方朔傳云臣

朔回已誦四十四萬言亦以字計也此篇通古

今之訓義多  
為釋詩而作

殷齊中也

**註**

書曰以殷仲春釋地曰鉅齊州以南

**正義**

開章言始此篇開章言中兩篇相承之義也殷者禹  
貢云九江孔殷史記夏本紀作九江甚中秋官大行  
人云殷相聘也齊者舜典云以齊七政史記正義引  
尚書大傳云齊中也左氏文十八年傳云齊聖廣淵  
**註**書曰至以南○**正義**以殷仲春堯典文釋文引馬  
融鄭康成註皆云殷中也鉅齊州以南見下釋地篇  
郭註亦見下

斯諛離也

**註**

齊陳曰斯諛見詩

**正義**

詩釋文引孫炎曰  
斯析之離說文云諛離

別也列子黃帝篇不知斯齊國幾千萬里言離去中  
國也穀梁僖四年傳云於是吟然外齊侯也吟然離  
散之貌諛吟音義同**註**齊陳至見詩○**正義**齊陳曰  
斯方言文陳風墓門云斧以斯之廣雅云斯離分也

韓非子說林云斧離斂創皆言離析也說

見詩者舊疏引小雅巷伯云哆兮侈兮

**謾興起也****註**禮記曰尸謾正義說文云起能立也言作

未嘗見舟而謾操之者也玉篇云謾起兒是也與者

益稷云率作典事註禮記曰尸謾正義士虞禮云

祝入尸謾註士虞禮記云尸

謾祝前鄉尸亦見祭統

**還復返也****註**皆迴返也正義說文云返還也還復也易

雜卦傳云復反也轉相訓也

**宣徇徧也****註**皆周徧也正義說文云徧市也言周市也

宣者大雅文王云宣昭義問淮

南時則訓必宣以明徇徇者史記五帝本紀幼而徇齊

索隱云幼而才智周徧且辯給也墨子公孟篇思慮

徇通徇本作旬江漢云來旬來

宣毛傳旬徧也說文云旬徧也

**駟遽傳也****註**皆傳車駟馬之名正義傳乘傳也今通謂

之驛說文云駟驛傳也

驛置騎也傳遽也遽傳也玉藻云士曰傳遽之臣鄭

註傳遽以車馬給使也左氏傳三十三年傳云使遽

告于鄭昭二年傳云乘遽而至成五年傳云以傳召

伯宗晉語云遽人來告列子說符篇使遽人來謁之

皆言驛也驛又通作釋大雅常武云徐方釋駮鄭箋

徐國傳遽之驛皆傳至之名○正義左傳疏引舍

人云駟尊者之傳也案文十六年傳云楚子乘駟故

以為尊者之傳然襄二十一年傳云乘駟而見宣子

二十七年傳云子木使駟謁諸王二十八年傳云吾

將使駟奔問諸晉則駟不專屬尊者矣左傳疏又引

孫炎云傳車駟馬詩江漢釋文云以車曰傳以馬曰

遽顏師古漢書註古者以車謂之傳車其後又單置

駟謂之駟騎此言漢制鄭註秋官行夫云傳遽若今

時乘傳騎驛而使者是也古無單騎鄭意以車馬可

以互見不必分屬較孫義為長釋文引郭氏音義云駟本或作遠聲類云古駟字同

蒙荒奄也註奄奄覆也皆見詩正義說文云奄覆也訓掩覆也蒙者方言云蒙

覆也說文作家覆也左氏襄十四年傳云蒙荆棘杜

註蒙冑也說文云冑冑而前也荒者書疏引孫炎云

荒大之奄益覆云惟荒度土功鄭註荒奄也註皆見

詩○正義鄭風君子偕老云蒙彼縹緜謂以縹緜覆

體也魯頌闕宮云遂徐既宅又喪大記云黼荒

鄭註荒蒙也在上曰荒蓋取其相奄覆故曰荒

**告謁請也** 註皆求請也 正義請謁告也 已見釋詁

**肅雍聲也** 註詩曰肅雍和鳴 正義小雅鴻雁云肅肅其

鳴雁皆言聲音單舉其文亦為聲 註詩曰肅雍和鳴 正義周頌有替文

**格懷來也** 註書曰格爾眾庶懷見詩 正義來格懷至也

為來轉相訓也方言云格來也自關而東周鄭之郊

齊魯之間或謂之格或曰懷格格古通川 註書曰至

見詩○正義格爾眾庶湯誓文懷見詩者齊風南山

云曷又懷止鄭箋懷來也夏官之屬懷方氏鄭註主

來四方之民

吟底致也

**註**

皆見詩傳

**正義**

吟告也底止也已見釋詁

吟於鬼神鄭註吟致也吟或為祇禹貢云覃懷底績

史記夏本紀作覃懷致功左氏昭三十年傳云明底

其情祇底致三字以音相近為義也**註**皆見詩傳

武云者定爾功毛傳耆致也釋文耆毛音指左氏

**註**

宣十二年傳云耆昧也杜註耆致也致討於昧

**正義**

說文云恃賴也

僉手鑑引舊註云恃恃事自恃也荀子非十二子篇

儉然侈然揚倬註侈然恃尊長之貌恃者益法解云

恃恃也左氏宣十五年傳云恃其雋才定四年傳云

無恃富無恃寵**註**今江至為侈**正義**小雅蓼莪云

郭氏引方俗語以証侈有母稱也方言云南楚淝淮

之閒謂婦妣曰母娒稱婦考曰父娒廣韻娒娒皆承紙切其義同也娒本作娒說文云娒特也

**律適述也**

**註**皆敘述也方俗語耳

**正義**釋詁云適循也詩疏說文云述循也詩疏

引爾雅作聿曰述也律與聿通通與曰通孫炎云通古述字讀聿是也小雅角弓云見覲曰消大雅抑云曰喪厥國釋文引韓詩作見覲聿消聿喪厥國文王有聲云適追來孝禮器引作聿追來孝縣云子曰有先後子曰有奔奏楚詞章句引作子聿有奔走子聿有先後文王云聿修厥德漢書東平思王傳引作述修厥德**註**皆敘至語耳。**正義**中庸云上律天時鄭**註**律述也又鄭**註**春官典同亦云律述氣者也史記索隱引釋名云律述也所以助陽氣也郭云方俗語者言其聲相近也

**俞畬然也**

**註**

禮記曰男唯女俞畬者應也亦爲然

**正義**

云帝曰俞史記五帝本紀凡書作曰俞者皆作曰然祭義云如語焉而未之然鄭**註**如有所以語親而未



見答廣雅云對會也曹憲云今人以答字爲對答失矣

**註**

禮記至女俞

**正義**

說文云

敘次第也

鄭註鄉

豫臚敘也

**註**

皆陳敘也

**正義**

射禮云今文豫爲序釋地釋文

引春秋元命包云豫之言序也晉語云豫而後給又云風聽臚言于市韋註臚陳也史記六國表臚子祭

祀又周禮象胥于寶註云今鴻臚漢書蘇林註上傳語告下曰臚韋昭註臚陳敘也莊子釋文引向秀註

從上語下曰臚傳是也臚通作旅燕禮云皆以旅酬於西階上鄭註旅序也

庶幾尙也

**註**

詩曰不尙息焉

**正義**

下文云庶幸也詩疏

者幸觀之意也說文云尙庶幾也徐鍇繫傳云春秋左傳曰尙克知之庶幾知之也左氏襄十六年傳云

引領西望曰庶幾乎詩曰不尙息焉

**正義**

小雅菀柳文

觀指示也

**註**

國語曰且觀之兵

**正義**

說文云示所以示人也穀梁隱五年傳云

**註**非常曰觀仲尼燕居云其如指諸掌而已乎  
**正義**國語至之兵。周語祭公謀父之辭

若惠順也

**註**

詩曰惠然肯來

**正義**

釋詁云順敘也釋名云順循也循其理也堯典

云欽若昊天史記作敬順昊天舜典云亮采惠疇禮運云長惠幼順詩曰至肯來。正義邶風終風文

敖無傲也

**註**

禮記曰無憍無敖傲慢也

**正義**

說文云傲

小雅桑扈云彼交匪敖漢書五行志引作匪傲匪傲巧言云昊天太憍鄭箋王甚傲慢石經無作憍古字

通**註**禮記至慢也。正義無憍無敖投壺文傲訓爲慢者釋名云漫漫也漫漫無所限也

幼鞠穉也

**註**

書曰不念鞠子哀

**正義**

方言云穉年小也說文云幼少也曲禮云

十年曰幼鞠通作鞠曲風鞠子之閔斯毛傳鞠穉也詩疏引郭氏音義云鞠一作毓石經穉作稚**註**書曰

至子哀。正義周書康誥云兄亦不念鞠子哀

逸僭過也

**註**

書曰汝則有逸罰

**正義**

言過失也說文云逸失也愆過也酒誥云

不惟自息乃逸牧誓云不愆於六步七步史記作不  
過六步七步左氏哀十六年傳云失所為愆**註**書曰  
至逸罰。**正義**舊疏引書盤庚云惟予一人有佚罰  
費誓云汝則有常刑無云汝則有逸罰者師讀不同  
故也僭與愆同大雅抑云不  
愆于儀縹衣引作不僭于儀

疑休戾也

**註**

戾止也疑者亦止

**正義**

釋詁云戾止也疑者鄉射禮云賓升西階

上疑立鄭**註**疑止也大雅桑柔云靡所止疑鄭箋無  
有止息時休者說文云休息止也月令云毋休于都

疾齊壯也

**註**

壯壯事謂速也齊亦疾

**正義**

釋詁云齊速疾也疾齊又為壯

力義相成也墨子尚賢篇有力者疾以助人淮南說  
山訓力貴齊知貴捷皆與速同義壯本或作莊大雅  
云思齊太任毛傳齊莊也疏以為釋言文  
內則云進退周旋慎齊鄭**註**亦云齊莊也

械褊急也

**註**皆急狹

**正義**說文云急褊也械急以聲相近為義也古音械或棘革極急通

用檜風云棘人藥藥兮讀詩記引崔靈恩集註作械  
人小雅六月云我是用急鹽鐵論引作我其猶槓弓  
雅文王有聲云匪棘其欲禮器引作匪革其猶槓弓  
云夫子之疾革矣文選註引倉頡篇云革戒也淮南  
覽冥訓安之不極高誘註極急也褊者廣雅云褊狹  
陋也魏風葛屨云維是褊心左氏昭元年傳云以敝  
邑褊小莊子山木篇雖有褊心之人皆言急狹也

貿買市也

**註**交易物為貿詩曰抱布貿絲

**正義**說文云

也貿易財也賈買市也一曰坐賣售也白虎通義云  
賈者固也言固物以待民來求其利也鄭註地官司  
市云通物曰商居賣物曰賈左氏昭十三年傳云如  
市賈焉**註**交易至貿絲。**正義**今本關交易物為貿  
五字今據衆經音義所引  
郭註增補詩衛風氓文

爾雅正義

卷主

六

扉陋隱也

**註**

禮記曰扉用席書曰揚側陋

**正義**

釋詁云

云隱蔽也。扉者喪大記云甸人取所徹廟之西北扉。薪用爨之。疏引熊安生云：扉謂西北隅。扉隱之處。徹取扉外當扉隱處。薪陋者左氏成八年傳云：辟陋狂夷陋木或作漏。大雅抑云：尚不愧于屋漏。鄭箋：漏隱也。疏以爲釋言文案釋宮云：西北隅謂之屋漏。與喪大記所云西北扉者其義相通。**註**禮記至側陋。○**正義**儀禮士虞禮有司徹俱有扉。用席之文。鄭註：扉隱也。于扉隱之處從其幽闇。特牲饋食禮云：扉用筵。註：作禮記疑傳寫之訛。書曰：揚側陋。堯典文。

過遂逮也

**註**

東齊曰過。北燕曰遂。皆相及。逮

**正義**

釋詁

與也。過本作曷。小雅四月云：曷云能穀。毛傳：曷逮也。筵木作逝。邶風日月云：逝不古。處毛傳：逝逮也。通作噬。唐風有杖之杜云：噬肯適。我毛傳：噬逮也。釋文引韓詩作逝。逝及也。則噬本亦作逝。今作遂。或體字也。

**註**東齊至曰達。**正義**方言云蝻噬逮也東齊曰蝻北燕曰噬逮通語也郭註蝻作遊噬作遂音義同

**征邁行也****註**詩曰王于出征邁亦行**正義**說文云征正行也邁遠行也泰

卦云拔茅征吉周頌云時邁其邦**註**詩曰至出征。**正義**小雅六月文

**圯敗覆也****註**謂毀覆**正義**釋詁云圯毀也又爲覆也說文云敗毀也覆覆也左氏僖十五

年傳云侯車敗謂車覆也

**荐原再也****註**易曰水荐至今呼重蠶爲蠶**正義**說文云再一舉而二

也廣韻云再重也舊疏引孫炎云荐草生之再也左氏襄二十二年傳云不虞荐至杜註荐仍也文王世

子云未有原鄭註原再也**註**易曰至爲蠶。**正義**水荐至坎卦象辭夏官馬質云禁原蠶者舍人本作蠶

**撫救撫也****註**撫愛撫也救寧見書**正義**說文云撫安也撫本謂愛而相安也撫本

作改說文云改撫也讀與撫同又云救撫也周書曰亦未克救公功讀若弭案說文引書洛誥之文周禮

疏引鄭註云救安也撫訓爲安救亦訓安轉相訓也

**註**撫愛至見書○**正義**方言云撫愛也韓鄭曰撫說

文引之方言又云宋衛邠陶之閒曰撫郭氏取方言

爲釋也救寧見書者大誥云子翼以于救寧武圖功

臞瘠也

**註**

齊人謂瘠爲臞

**正義**

瘠說文作臞瘠也周禮大司徒云其民瘠而瘠

左氏襄二十一年傳云瘠則甚矣杜註瘠瘠也臞者

史記索隱引舍人云臞瘠也文選註引舊註云臞肉

之瘠也說文云臞少肉也韓非解老云子夏內戰而

臞瘠者說文云齊人謂臞臞也與郭註同玉篇云齊

人謂瘠

腹爲瘠

枕頰充也

**註**

皆充盛也

**正義**

釋詁云崇充也此篇又釋枕頰俱爲充也說文云枕充也

義本爾雅釋文云孫本作光堯典云光破四表周語

云故能光有天下韋昭註光大也淮南修務訓段干

木光於德寡人光於勢皆言充也光通作橫戴震曰樂記號以立橫鄭註橫充也孔子閒居篇以橫於天下鄭註橫充也堯典古本必有作橫被四表者橫被廣被也漢書王莽傳昔唐堯橫被四表後漢書馮異傳云橫被四表高誘淮南註橫讀桃車之恍是其證案祭義云溥之而橫於四海淮南原道訓橫之而彌於四海橫光聲相近故漢人稱橫門爲光門後世猶沿其舊矣頰光也已見釋詁通作耿晉語云其光耿矣於民

**婁**

**亟也**

親暱者亦數亟亦數也

**正義**

鄭註少儀云亟數也釋文云婁

又作屢今經傳通作屢益稷云屢省乃成暱者左氏成十三年傳云暱就寡人暱本或作昵衆經音義引爾雅云昵亟也親昵亦數也

**靡罔無也爽差也爽忒也**

**註**

皆謂用心差錯不專一



**貳也註**

俚次為副貳

**正義**衛風氓云靡室勞矣又云

其行此釋之也毛傳靡無也爽差也俱本爾雅無說

文作竊亡也奇字作无谷風云何有何亡地官司市

云亡者使有亡與無古通用益稷云罔水行舟史記

作無水行舟靡罔皆義之常行者故郭氏無註或說

文作恁失常也周語云實有爽德月令云無或差貸

豫卦傳云四時不忒鄭註忒差也是差忒義相通也

俚者說文云俚俚也鄭註特牲饋食禮云次猶貳也

飲次音義同註皆謂至專一**正義**大雅瞻印云羈

人枝忒疏引孫炎云忒變雜不一郭註本孫炎言差

忒皆變雜不一也。俚次為副貳**正義**鄭司農註

天官小宰云貳副也說文云貳副益也文選司馬子

長報任少卿書云僕又俚之羈室注引如淳曰俚次

也若人相次也

剡翦齊也

**註**

南方人呼翦刀為剡刀

**正義**

齊者斷也說文云剡齊也義本

爾雅又云翦齊斷也亦本爾雅爲義天官小宰聽賣  
買以質劑劑者所以斷其不齊也秋官之屬有翦氏  
鄭註翦斷滅之言也魯頌閟宮云實始翦商毛傳用  
爾雅鄭箋翦斷也

引字書曰  
翦刀劑也

**饋餽稔也**

**註**

今呼貨餽爲饋饋均熟爲餽

**正義**

大雅河

餽此釋之也詩疏引孫炎曰蒸之曰饋均之曰餽說  
文云餽粥餅也餽或作饋餽餅氣流也釋名云餽分  
也衆粒各自分也釋文引字書云饋一蒸米也詩疏  
誤以字書爲說文舊疏復仍其誤玉篇云饋半蒸飯  
餽飯氣蒸也釋文云稔字又作任說文云任大熟也  
稔亦訓熟故饋餽爲稔也**註**今呼至爲饋**正義**詩  
疏引郭註云今呼餽者修飯爲饋饋均熟爲餽者修  
二字當作音修舊係旁註混入正文監本闕均字今  
据補郭氏以餐飯爲饋据時俗語也廣雅云饋謂之  
餐釋文引倉頡篇云餐饋也孔疏蒸米謂之饋饋必

新雅正義

卷三

九

饋而熟之  
故言饋饋

勝將送也

**註**

左傳曰以勝秦穆姬詩曰遠于將之

**正義**

云送遣也籥文作遊勝說文作併云送也呂不韋曰有佚氏以伊尹倂女後漢書註引孫炎云送女曰勝是也將者詩疏引孫炎云將行之送也鄭風丰云悔于不將兮文子符言篇來者不迎去者不將是也又燕禮云勝觚于賓咸卦傳云勝口說也天官小宰云裸將之事公羊文十五年傳云筭將而來也勝將俱訓爲送也**註**左傳至將之。**正義**以勝秦穆姬傳五年傳文遠于將之鄭風燕文

作造爲也

**正義**

穀梁傳說文云造起也造就也皆與爲義相通

作史記作大陸既爲王風兔爰云尚無造毛傳造僞也大雅思齊云小子有造毛傳造爲也爲僞古通用

養餼食也

**註**

方言云陳楚之間相呼食爲養

**正義**

云食殖也

所以自生疏也。糞餒俱訓爲食。說文云：糞餒也。餒乾食也。周書曰：時乃餒糧。徐鍇繫傳云：詩乾餒以愆。今人謂飯乾爲餒。案說文引書費誓之辭也。今本作時乃糗糧。釋名又云：餒候也。候人餒者以食之也。《釋名》言至爲糞。《正義》方言云：糞食也。陳楚之內相謂而食麥。《禮記》謂之糞。說文云：陳楚之間相謂食麥飯曰糞。與郭註所引字句微異。

**鞠究窮也**

**註**

皆窮盡也。見詩。

**正義**

說文窮極也。鞠作鞫。惟自鞠自苦。墨子尚賢篇云：大用之天下則不究。小

用之則不困。《註》見詩。《正義》大雅瞻卬云：鞠人伎忒。

蕩云靡。屈靡究。

**鹵矜鹹苦也**

**註**

鹵苦地也。可矜憐者亦辛苦。苦卽大鹹。

**正義**釋名云：苦吐也。人所吐也。鹵說文作鹵。西方鹹地也。東方謂之廣。西方謂之鹵。玉篇云：鹵苦地也。書

曰海濱廣溷本亦作斥按今本禹貢作廣斥與玉篇所引異左氏襄二十六年傳云表淳鹵矜者廣雅云穉矜大也是矜與鹵義同釋文作鹵本又作矜玉篇云鹵苦也鹵者說文云鹵銜也北方味也註可矜至大鹵。正義舊疏引小雅鴻雁云爰及矜人毛傳云矜憐也苦卽大鹵者淮南地形訓鍊苦生鹵

干流求也

**註**

詩曰左右流之流覃也覃延也

**註**

皆謂蔓

莛相被及

**正義**

干者公羊定四年傳云以干闔廬何休註不待禮見曰干孟子公孫丑篇則是

干澤也荀子議兵篇皆干祿蹈利之士皆言求之亟也流訓爲求以聲相近爲義流又訓覃覃訓爲延轉相訓也樂記云流而不息大雅蕩云覃及鬼方註詩曰至被及。正義左右流之周南關雎文葛覃疏引王肅云葛生於此延蔓於彼廣雅云蔓長也莛菼也釋文云覃木又作綉孫炎云古覃字同

佻儉也

**註**

謂苟且

**正義**

小雅鹿鳴云視民不佻毛傳佻儉也佻儉二字俱从心今本爾雅俱

从人說文徐鍇本引詩作不佻佻偷也偷薄也佻字  
从人偷字从心常從之左氏昭十年傳云佻之謂甚  
矣疏引李巡云佻偷薄之偷也論語云則民不偷包  
氏云不偷薄也俱訓爲薄與郭異註謂苟且○**正義**  
左傳疏引孫炎云偷苟且也郭註本孫炎

潛深也潛深測也

**詁**

測亦水深之別名

**正義**

廣韻云潛水伏流也小雅

正月云潛雖伏矣潛深又皆訓爲測說文云測所至也玉篇云廣深曰測淮南說林訓以篙測江篙終而  
以水爲測惑矣

穀鞠生也

**註**

詩曰穀則異室

**正義**

釋詁云穀善也此篇上文云鞠穉也穀鞠又爲

生也說文云穀續也言其生生不已也釋詁又云有  
養也鞠與育古字通方言云鞠養也陳楚韓鄭之間  
曰鞠小雅蓼莪云母兮鞠我註詩  
曰至異室○**正義**王風大車文

新雅正義

卷三

七

啜茹也

**註**

啜者拾食

**正義**

方言云茹食也吳越之間凡

俗呼能籠食者爲茹說文云啜嘗也釋名云啜絕也

乍啜而絕於口也檀弓云啜菽飲水禮運云茹其毛

茹虞度也

**註**

皆測度也詩曰不可以茹

**正義**

釋詁云度

爲度也如與茹通已見釋詁虞者西伯戡黎云不虞

天性史記集解引鄭註云不度天性孫子云以虞待

不虞者勝

**註**

詩曰至以

茹○**正義** 郵風柏舟文

試式用也

**註**

見詩書

**正義**

說文云用可施行也試者論

政不式於勇高誘註式用也  
大東云百僚是試商頌長發云帝命式于九闈舜典

云明試以功盤庚云式敷明德

詰誓謹也

**註**

皆所以約勤謹戒衆

**正義**

說文云謹慎也

又爲謹也釋名云上勅下曰告告覺也使覺悟已意

也誓者說文云約束也釋名云誓制也以拘制之也

秋官司寇云誓用之

**註**

皆自勉彊

**正義**

釋名云彊彊也大雅桑柔

昭元年傳云諸侯逐進杜註逐猶競也

禦圍禁也

**註**

禁制

**正義**

禦圍古字通大雅蒸民云不畏

圍鄭箋云圍當作禦管子輕重甲篇莫之能圍墨子

辭過篇引先王作宮室之法曰邊足以圍風寒衆經

音義引舍人云禦圍

**註**

謂未有而預防之也

**正義**

說文云窳窳也窳閉也鄭



七月云穹室熏鼠東山云洒掃穹室毛傳鄭箋皆云  
 塞也說文繫傳引解嘲曰室隙蹈瑕蕪者說文云瘞  
 也釋天云祭地曰瘞蕪是也省作狸大宗伯云以  
 狸沈祭山林川澤通作埋祭法云瘞埋於泰折

黼黻彰也

**註**

黼文如斧黻文如兩已相背

**正義**

益稷云黼黻此釋之

也考工記云白與黑謂之黼黑與青謂之黻說文云

黼黑與白相次文黻白與青相次文又云彰文彰也

廣韻云彰明也言其黼文著明故左氏桓元年傳云

火龍黼黻昭其文也**註**黼文至相背。**正義**下篇釋

器云斧謂之黼孫炎云黼文如斧形蓋半白半黑似

刃白而身黑黻謂刺繡為已字相背以青黑線繡郭

註木孫炎鄭註明堂位云黻冕服之韠也舜始作之

以尊祭服禹湯至周增以畫文是黻亦用畫文也

膺身親也

**註**

謂躬親也

**正義**

少儀云執箕膺搢玉藻云弗

身踐也言弗親翦也

弗親翦也

愷悌發也

**註**

發發行也詩曰齊子愷悌

**正義**

愷當作闕說文云闕明也

悌當從古文尙書作闕周禮疏引鄭註洪範云色澤而光明也史記宋世家引作滂蓋字本作闕通作悌史記本因形訛而作滂今本尙書又因聲訛而爲驛說文引書而爲之解曰闕升雲半有半無與鄭義同也詩疏引舍人李巡孫炎郭璞皆云闕明發行案諸家以闕爲明是也發訓爲行以釋闕闕之義稍爲迂曲商頌釋文引韓詩云發明也是發有明之義故闕圍訓爲發也齊風釋文又引韓詩云發旦也且亦明也**註**詩曰至愷悌。**正義**齊風載馳文毛詩作豈弟鄭箋豈弟猶言發夕也豈讀爲闕弟古文尙書以弟爲闕圍明也郭註用鄭箋

髦士官也

**註**

取俊士令居官峻農夫也

**註**

今之嗇夫是

也

**正義**

小雅甫田云烝我髦士又云田峻至喜此釋之也械樸鄭箋士卿士也奉璋之儀峩峩然故今

俊士之所宜鄭氏以髦士為鄉士是髦士即官也七月毛傳田峻田大夫也疏引孫炎云峻農官也案田

峻亦謂之農率夏小正曰農率均田又謂之田月令

云命田舍東郊又謂之農正周語又云農正再之又謂之畜

戒農用又謂之農正周語又云農正再之又謂之畜

夫觀禮云畜夫承命鄭註云畜夫蓋司空之屬春秋

傳曰畜夫馳故孫炎統云農官也註取俊至是也

正義髦俊也見下文甫田鄭箋云田峻司畜今之畜

夫也郭註木鄭箋漢書百官公卿表鄉有畜夫職聽

訟收賦稅司馬彪續漢百官志鄉小者縣置畜夫一

人註引風俗通云畜者省也夫賦也言能消息百姓

均其賦役晉書百官志郡國及縣農月皆隨所領戶

多少為差散吏為勸農縣萬

以上置四鄉鄉置畜夫一人

蓋割裂也註蓋未詳正義裂說文作剝分解也割剝也

鄭註緇衣云割之言蓋也蓋割雙聲義存乎聲公羊

襄二十七年傳云昧雉彼視何休註昧割也昧蓋聲

之轉也又顏師古漢書註云蓋音公蓋反

**邕支載也註**

皆方俗語亦未詳

**正義**釋文邕字又作擁舊疏引謝氏云邕字又

作擁釋云擁者護之載案左氏襄二十五年傳云陳侯免擁社謂載社主也支與楛通楛柱所以承載詳見下文王煦曰淮南齊俗訓云金之性沉托之于舟上則浮勢有所支也

**誣諉累也註**

以事相屬累爲誣諉

**正義**釋文引孫炎云楚人曰諉秦人曰諉

說文繫傳云誣諉謂不能自決而以屬累於人也漢胡建擅誅監軍從史云執事不諉上是也漢書註蔡讓云諉託也列子釋文引爾雅作誣諉累去也疑傳寫之訛

**漠察清也註**

皆清明**正義**釋詁云漠定也察審也漠察

虛靜以恬愉兮詩疏引樊光云漠然清貌大戴禮記子張問入官篇水至清則無魚人至察則無徒

庇麻蔭也

**註**

今俗語呼樹蔭為麻

**正義**

說文云蔭艸陰地言艸木之陰可休

庇也左氏文七年傳云則本根無所庇廕矣呂氏春

秋懷寵篇則民知所庇矣高誘註云庇依蔭也休者

說文云从人依木休或从广周南漢廣云不可休思

左傳疏引舍人云庇蔽也苾依止也麻本或作苾

今俗至為麻。正義淮南精神訓云得苾樾下高

誘註苾蔭也衆經音義引孫炎云庇覆之蔭也

穀履祿也

**註**

書曰既富方穀詩曰福履將之履禮也

禮可以履行見易

**正義**

上文云穀是也履祿福也已

見釋詁履與祿義同履又訓為禮者仲尼燕居云言

而履之禮也祭義云禮者履此者也商頌長發云率

履不越韓詩外傳作率禮不越說文云禮履也註書

曰至將之。正義既富方穀洪範文福履將之周南

受之以履履者禮也韓康伯云禮所以適時用也故

既畜則須用有用須禮也今本易孔疏以禮者禮也

四字爲韓註李氏易傳則以四字爲傳文郭氏云見

易傳同舊疏據孔疏本仍以爲韓註非也

隱占也

註

隱度

註

其實定其辭也盤庚云尙皆隱哉

逆迎也

註

言云自關而東曰逆

自關而西曰迎

僭曾也

註

發語辭見詩

註

僭說文作晉曾也今作僭

語之舒也註見詩○正義大雅雲漢

增益也

註

今江東通言增

註

說文云益饒也小雅天

累壤增太山不益其高

窶貧也

註

謂貧陋夔隱也

註

謂隱蔽儂吧也

註

鳴吧短

氣皆見詩

**正義** 兼者說文云無禮居也貧財分少也

禮曰奠曲禮云主人辭以奠奠者方言云掩翳也

離騷云衆蔓然而蔽之漢書律歷志味蔓于未俊者

荀子禮論憚詭吧俊不能無時至焉楊倞吧俊氣

不舒憤鬱之貌詩疏引孫炎云俊心吧也**註**吧吧至

見詩○**正義** 漢書成帝紀云可爲於邑顏師占註於

邑短氣貌鳴吧當作於邑皆見詩者邳風北門云終

寔且貧郭氏方言註引詩云蔓而不見通作愛大雅

蒸民云愛莫助之毛傳愛隱也桑柔云亦孔之俊俊

又與蔓通說文引

詩作俊而不見

**基**

**經也** **註** 基業所以自經營**基設也** **註** 亦爲造設

**正義**

已云基始也謀也此又廣其義也康誥云周公初基

言始經營也賈誼書禮容篇云基者經也釋名云基

據也在下物所依據也基又爲造設大雅公

劉云止基通理晉語云猶無基而厚墉也

祺祥也

**註**

謂徵祥祺吉也

**註**

祥吉之先見

**正義**

釋詁云

云古實也有善實也祺祥也當作禎祥也周頌維清  
毛傳云禎祥也疏以爲釋言文引舍人曰禎福之祥  
某氏曰詩云維周之禎定本集註祺字作禎按說文  
云禎祥也祺吉也所据爾雅與毛傳同士冠禮云壽

禎考維

兆域也

**註**

謂塋界

**正義**

春官小宗伯云兆五帝於四郊

傳云則姦兆也杜註兆域也尙書大傳云兆十有二  
州鄭註兆域也大雅生民云以歸肇祀孔疏肇宜爲  
兆說文兆作垝域作或或又從土**註**謂塋界○**正義**  
士喪禮云兆南北面鄭註兆域也新營之處廣雅云  
宅兆營域  
葬地也

肇敏也

**註**

書曰肇牽車牛

**正義**

釋詁云肇始也謀也肇  
又訓爲敏廣雅云敏亟也



書曰至車牛。

**正義** 酒誥文

挾藏也

**註**

今江東通言挾泱徹也

**註**

謂潔徹

**正義**

挾說

也今作篋士冠禮云同篋鄭註隋方曰篋是也泱者天官釋文挾本作泱楊倞荀子註挾讀為泱大雅大明云使不挾四方也**註**今江至霑徹也釋名云達徹也言不使通達於四方也**註**今江至霑徹也**正義**方言云挾護也漢書惠帝紀除挾書律應劭云挾藏也楊倞荀子註泱周洽也玉篇云泱通也洽也

普廢也

**註**

亦為滅絕

**正義**

說文云普廢一偏下

義引李巡云普去之廢也少半饋食禮云勿替引之左氏僖二十四年傳云王替隗氏普又訓為滅者大

雅召旻云胡不自特

速徵也

**註**

易曰不速之客

**正義**

鄉飲酒禮云主人速賓又云徵唯所

欲左氏宣九年傳王使來徵聘皆言召也註易曰至之客。正義需上六爻辭釋文引馬融云速召也

**琛寶也**

註詩曰來獻其琛

正義說文云寶珍也詩疏引舍人云美寶曰琛註詩曰至

其琛。正義魯頌泮水文

**探試也**

註刺探嘗試

正義釋詁云採取也探又爲試也多方云探天之威舊疏引論語云

見不善如探湯

**髦選也**

註俊士之選髦俊也註士中之俊如毛中之髦

正義

上文云髦士官也此申釋之也說文云髦髮也

俊才過千人也白虎通義引禮別名記曰十人曰選

百人曰俊王制云命鄉論秀士升之司徒曰選士司

徒論選士之秀者而升之學曰俊士鄭註可使習禮

者孔疏內則二十而冠始學禮此升於大學者曰選

俊之人年以二十故可習禮按士冠禮云髦士攸宜

卷三

七

選士俊士猶

言髦士也

**俾職也**

**註**使供職

**正義**

釋詁云俾使也從也俾又為職義相成也君爽云罔不率俾漢書武

紀云莫不率俾顏師古註言皆循其貢職而可使也

**紕飾也**

**註**謂緣飾見詩

**正義**

玉篇云紕冠緣邊飾也雜記云紕以爵韋六寸是也

詩○**正義** 邠風千旄云素絲紕之毛傅紕所以織組也疏引家語云總紕於此成文於彼

**凌慄也**

**註**凌據戰慄慄感也

**註**戰慄者憂感

**正義**釋文引樊光註

作凌冰凜也當從之天官凌人鄭註云凌冰室也凌栗以聲相近為義釋文又引埤蒼云凌慄也與今本

同釋詁云慄懼也慄又為感義相成也莊子人間世云吾甚慄之

**註**凌據戰慄○**正義**據當為遠廣雅云

遠畏懼也

蠲明也註蠲清明貌茅明也註左傳曰前茅慮無明朗

也正義說文云明照也服明也蠲者多方云不蠲蒸

其大德杜註蠲明也舊疏引樊光云蠲除垢濁使令

清明茅者左傳疏引舍人云茅味之明也明者昭五

年傳云明而未融淮南原道訓新而未朗高註朗明

也左傳疏引樊光云詩云高朗令終註左傳至慮無

茅明也正義宣十二年傳文杜註云

或曰時楚以茅為旌識

猷圖也註周官曰以猷鬼神祇謂圖畫猷若也註詩曰

寔命不猷正義釋詁云圖猷謀也此又申釋之也小

行云猶將不忘百姓之病也鄭註猶圖也猷又訓為

若若如也論語云吾猶人也註周官至圖畫正義

春官凡以神仕者掌三辰之法以猶鬼神示之居鄭

註猶圖也郭氏引之於義亦通釋名云圖度也畫其

有在已能

卷三

七

品度也。詩曰：至不猷。

○正義 召南小星文

偶舉也

註書曰：偶爾戈稱好也。註物稱人意亦爲好。

正義

說文云：偶，揚也。玉篇引左傳云：禹偶善人。今本左傳

作稱文。選註引爾雅作稱舉也。士相見禮云：問吾子

稱贊左氏襄三年傳云：稱解狐。又云：解狐得舉是稱。

即舉也。稱又爲好。謂美好也。周語云：君子不自稱也。

註書曰：偶爾戈。○正義 牧誓文：今本偶作稱。

坎律銓也

註易坎卦主法法律皆所以銓量輕重。

正義

云：銓，衡也。文選註引倉頡篇云：銓，稱也。注曰：銓所以

稱物也。易釋文引九家易云：坎爲律樂記云：律小大

之稱比終始之序。律訓爲銓度。猶比訓爲比次也。褚

先生補史記樂書作類大小之稱。按太史公易經傳

之字俱本雅訓。易律爲類於雅訓。無徵少孫視史遷

爲疎矣。鄭註以律爲六律亦於雅訓。偶有不檢也。註

易坎至輕重。**正義**左傳疏引樊光云坎卦水也水性平律亦平銓亦平也此郭註所本按左氏宣十二年傳云川壅為澤有律以如已也杜註云坎為法象晉書郭璞傳璞上疏曰坎為法象刑獄所奉是坎卦主法易家之舊說也

矢誓也

**註**

相約誓

**正義**

晉象傳云矢得也虞翻曰矢古誓字鄰風柏舟云之死矢靡他

舫舟也

**註**

竝兩船泳游也

**註**

潛行游水底

**正義**

釋水云大夫曰方舟

迨及也

**註**

東齊曰迨

**正義**

下文逮及也迨或體字也小雅伐木云迨我暇矣

**註**

東齊曰迨

**正義**

冥幼也

**註**

幼穉者冥昧

**正義**

幼本作窈詩疏引孫炎云冥深闇之窈也某氏云詩曰歲

噉其冥說文云冥幽也窈深邃也案幼幽聲近義通故大戴禮記諸志篇云幽幼也說文義本爾雅

降下也

**正義**穀梁莊三十一一年傳云降猶下也堯典云釐降二女于鴻汭

備均也

**正義**說文云備均直也均平徧也小雅節南山云昊天不備

彊暴也

**正義**說文云暴疾有所趣也大雅蕩云曾是彊禦毛傳彊禦善也

窈肆也

**正義**輕窈者好放肆肆力也**註**肆極力**正義**說文云窈深肆

極也衆經音義引字書云眺輕也左氏成十六年傳云楚師輕窈大戴禮記王言篇布諸天下而不窈肆

又爲力者文十二年傳云使輕者肆焉

侏戴也

**正義**詩曰戴弁侏侏**正義**侏說文作絀釋訓云侏侏也轉相訓也**註**詩曰至

鄭箋戴也釋名云戴戴也扣其上也

瘞幽也

**註**

幽亦瘞也

**正義**

釋詁曰云瘞幽也此

菴斨也

**註**

毛菴所以為斨

**正義**

廣雅云斨斨也釋文引

**註**

毛菴至為斨

**正義**

詩疏引郭璞云菴音狸舍人

云菴毛斨也

邊人續羊毛而作書疏引孫炎云毛菴

為斨七月鄭箋云褐毛衣也太平御覽引韋輝光問

云賤者之所服也

今斨亦川為之詩孔疏云斨者織毛為之若今之毛氈能以衣馬之帶鞅也

烘燎也

**註**

謂燒燎熨也

**註**

今之三閭竈見詩

**正義**

爇也

熨也熨行竈也爇當從說文作爇詩疏引舍

人云烘以火燎也

熨也熨行竈也孔疏云熨者無釜之竈

其上火爐也

**註**

見詩

**正義**

小雅白華云仰烘于熨

陪朝也

**註**

陪位為朝

**正義**

說文云陪重土也通作陸玉



級者堂高大幾六尺矣陞者朝之列位也

**康苛也**

**註**謂苛刻

**正義**

說文云苛小艸也釋器云康謂

煩碎之名淮南主術訓  
狡躁康荒不愛民力

**樊藩也**

**註**謂藩籬

**正義**

樊說文作楸引詩云營營青蠅

樊藩古字通  
之藩也莊子養生主云不斲齒乎樊中太宗師云吾

願游乎其藩乎

**賦量也**

**註**賦稅所以評量

**正義**

周官閭師云以時徵其

之屬左氏昭三年傳云齊舊四量  
賦稅至評量

賦稅至評量

也說文云量稱輕重也  
欲謂之平均廣雅云賦稅

糗糧也

**註**

今江東通言糗

**正義**

說文云糗穀也

糗別體

庶侈也

**註**

庶者衆多爲奢侈庶幸也

**註**

庶幾僥倖

**正義**

楚茨云爲豆孔庶椰箋庶侈也釋文云侈又作侈詩疏引舍人云庶衆也侈多也孫炎云庶豐多也按釋

詁已云庶衆也庶又訓侈廣衆字之義也上文云庶幾尙也庶又訓幸廣尙字之義也詩疏引易說云庶

幸也與爾雅同小爾雅云非分而得謂之幸左氏襄十九年傳云小國幸於大國

筑拾也

**註**

謂拾掇

**正義**

說文云拾掇也

掇拾取也金匱

註云禾爲木所偃者起其木拾其下禾乃無所亡失也今本尙書筑作築

樊駟也

**註**

今江東呼大爲駟駟猶麤也

**正義**

說文云樊駟大也左氏昭

二十二年傳云陳大夫鬻壯而頑註今江至麤也。正義方言云秦晉之間凡人之大謂之樊或謂之壯

玉篇云風猶籟也與郭註同釋文引孫炎樊光本  
作將且也小雅谷風云將恐將懼鄭箋將且也

**集會也**

**正義**釋詁云會合也說文云集若羣鳥在林木  
之上左氏襄二十六年傳云幸而集晉國賴之

**舫泖也**

**註**水中箴筏 **正義**上文已云舫舟也舫又為泖  
廣異名也說文云泖編木以渡也

舫風谷風云方之舟之齊語云方舟設泖楚詞九章  
云乘汎泖以下流 **註**水中箴筏 **正義**詩釋文引孫

炎云方木置水中為泖筏也又引郭璞云木曰箴竹  
曰筏小筏曰泖箴音皮佳反泖筏同音伐樊光爾雅

本作柎方言云泖謂之箴箴謂之筏筏秦晉通語也  
韋昭國語註云方併也編木曰泖小泖曰桴舫方泖

桴音義同釋文又引樊  
光本桴作坊泖作坊

**洵均也**

**註**謂調均洵翁也 **註**未詳 **正義**上文云儲均也  
洵又為均也鄭註地

官均人云洵均也易坤為均今書亦有作洵者詩疏  
引李巡云洵徧之均也某氏引詩云其下侯洵洵

音義同釋詁云洵信也洵又爲龕也逸周書祭公解云周克龕紹成康之業言能信繼也

**逮逯也**

**註**

今荆楚人皆云逯

**正義**

說文云逯迨也玉篇云迨逯行相及也方言云

關之東西曰逯或曰及與下文逮及也義同

**是則也**

**註**

是事可法則

**正義**

說文引爾雅作從則也從行兒今本作是釋名云是嗜也

人嗜樂之也釋詁云則法也

**畫形也**

**註**

畫者爲形像

**正義**

說文云形象形也考工記云畫繪之事釋名云畫挂也以

五色挂物上也

**賑富也**

**註**

謂隱賑富有

**正義**

說文云富備也一曰厚也西京賦云鄉邑殷賑薛綜註殷

賑謂富饒也魏都賦云賑大內李善註引爾雅說文繫傳云賑振也振起之也

局分也

**註**謂分部也

**正義**曲禮云左右有局鄭註局部分也左氏成十六年傳云離局姦也

濟怒也

**註**詩曰天之方濟

**正義**說文云怒悲也詩疏引舍人云濟怒聲詩曰至方

濟。正義大雅板文毛傳

用爾雅釋文云濟疾怒也

僊聲也

**註**謂聲音

**正義**玉篇云僊小聲也廣韻云僊動坤聲又鷺鳥之聲通作肩漢書武帝

紀云肩然  
如有聞

葵揆也

**註**詩曰天子揆之揆度也

**註**商度

**正義**上文云茹虞度也揆

又爲度也葵揆以聲爲義說文云揆葵也衆經音義引孫炎云揆商度也大雅板云則莫我敢葵禹貢云三百里揆文教大戴禮記文王官人篇推其往言以揆其來行詩曰至揆之。**正義**小雅采芣文今本作葵

逮及也

**正義** 說文逮及也又云逮及也又云逮及也又云逮及也

怒飢也

**正義** 怒然飢意也說文云怒飢也怒飢也詩曰怒

如朝飢詩疏引李巡云怒不飽之飢也

珍重也

**正義** 謂厚重見左傳詩胡寧疹我以旱云重也重

直容切**註**見左傳**正義**隱三年傳云憾而能珍者

所恨而止也

獵虐也

**正義** 古者以殺為虐書呂刑惟作

五殺之刑左氏宣十五年傳云虐我伯姬獵訓為虐與釋帖彌殺也義同

土田也

**正義** 說文云土地之吐生萬物者也

吐生萬物也。已耕者曰田。田填也。五稼填滿其中也。大雅崧高云：「徹申伯土疆，言通治其田之疆界也。」

戍邊也。

**註** 戍守所以止寇賊。

**正義** 說文云：「戍，守邊也。从人持戈。」釋詁云：「邊，止也。王」

風揚之水云：「不與我戍申。」毛傳：「戍，守也。」

師人也。

**註** 謂人衆。**正義** 釋詁云：「師，衆也。師又爲人也。鄭志答趙商云：「師者，衆之通名。故人多」

焉云。

砧也。

**註** 砧然堅固。

**正義** 說文云：「砧，堅石也。確，擊石也。徐鉉云：「今俗作確，非。是易文言云：」

確乎其不可拔。說文作確。云：「高平也。案砧確義同。隸通轉作確。鞏者高而固也。釋詁云：「鞏，固也。詳見釋詁。」

棄忘也。

**正義** 說文云：「忘，不識也。棄，捐也。周南汝墳云：「不我遐棄。」秦風晨風云：「忘我實多。」

踟閑也。

**註** 踟然閑暇貌。**正義** 孟子云：「人知之亦踟。」人不知亦踟。趙岐註：「踟，踟然自」

得之志無  
欲之貌也

謀心也

**註** 謀慮以心

**正義** 說文云人心土藏托身之中  
釋名云心纖也所識纖微無物不

貫也洪範云謀及乃心管子  
心術篇心也者智之舍也

獻聖也

**註** 諡法曰聰明睿智曰獻

**正義** 益稷云萬邦黎  
獻說文云聖通也白

虎通義引禮別名記云萬傑曰聖  
**註** 諡法至曰獻  
云知質有聖曰獻揚善賦  
簡曰聖敬賓厚禮曰聖

里邑也

**註** 謂邑居

**正義** 大戴禮記王言篇三百步為里  
千步為井說文云里居也釋名云五

鄰為里居方一里之中也四井為邑邑猶佗也邑人  
聚會之稱也左傳疏引李巡云里居之邑也大雅韓

奕云于蹶之里孔疏周禮五鄰為  
里以五鄰必同居故以里為名



襄除也

**註**

詩曰不可襄也

**正義**

釋詁云襄因也又爲除也說文云漢介解衣耕謂之

襄耕芸所以除草也小雅出車云獵狁于襄毛傳

用爾雅

**註**

詩曰至襄也

**正義**

脚風皆有茨文

振古也

**註**

詩曰振古如茲猶云久若此

**正義**

振爲發語詞詩與古字連

文其義亦相近也

**註**

詩曰至如茲

**正義**

周頌載芟文鄭箋振亦古也

懟怨也

**正義**

說文云怨恚也大雅蕩云疆禦多懟殺梁

莊三十二年傳云力盡則懟范註懟恚恨也

縞介也

**註**

縞者繫也介猶罔也

**正義**

說文云縞以絲介履也曲風東山云親結其縞

釋器云縞綬也又重見釋水篇釋文引李孫顧舍人木疏云縞羅也介別也

號諄也

**註**

今江東皆言諄

**正義**

說文云號呼也諄號也

云號呼也大呼也釋名云以其善惡呼名之也魏風碩鼠云誰之承號春官雞人夜嘑旦諄呼嘑音義同

凶咎也

**正義**說文云凶惡也咎災也釋名云凶空也就空亡也王風兔爰云逢此百凶左氏宣十二年

傳云必有咎

苞稹也

**註**今人呼物叢緻者爲稹

**正義**釋詁云苞豐也苞又爲稹增成其義

也禹貢云草木漸苞釋文引馬融云相包裹也考工記云稹理而堅**註**今人至爲稹○**正義**詩疏引孫炎

云物叢生曰苞齊人名曰稹郭註本孫炎唐風鷓鴣羽鄭箋稹者根相迫迮致也

迮寤也

**註**相干寤

**正義**

迮說文作寤寤也本又作迮莊子達生篇選物而不憚釋文引爾雅

云選忤也郭璞云相干寤是陸氏所見爾雅本有作選忤者矣然惟於莊子釋文引之而爾雅釋文轉闕

而不載祇云孫本迮作迮案哀公問云迮其衆以伐有道釋文引王肅云迮也荀子富國篇云午其軍楊

倥註午讀爲迮釋名云寤忤也能與物相接忤也

**題題也**註題額也詩曰麟之定正義釋文云題本又作定毛傳定題也說文云

題額也徐鉉云今俗作頤正義周南麟趾文

**猷肯可也**註詩曰猷來無棄肯今通言正義上文云猷若也猷又為可

也說文云可肯也肯可以聲轉為義唐風杖杜云

**務侮也**註詩曰外禦其務貽遺也正義相歸遺正義貽遺俱以

聲為義小雅常棣云外禦其務左氏僖二十四年傳

引詩作外禦其侮周語引此詩亦作侮貽者周頌思

**質買也**註廣二名賄財也正義衛風氓云抱布貿絲又

已云質市也質又為買義相成也地官司市云以量

度成賈而徵債鄭註質買也說文云財人所寶也廣

雅云財貨也鄭註周禮云金玉曰貨布帛曰賄

甲狎也

**註**謂習狎

**正義**

衛風芄蘭云能不我甲釋文云韓詩作狎書多方云甲于內亂釋文

引鄭王皆以甲爲狎音義相兼也

葵離也葵亂也

**註**

詩曰毳衣如葵葵草色如離狂青白

之間

**正義**

王風大車云毳衣如葵此釋之也說文云

之屬衣績而裳繡皆有五色其青者如離說文繫傳云此帛色名菜之如生葵色如今人所菜麥綠也蓋

葵亦名爲離非獨其色也案詩疏引爾雅及郭註離字俱从鳥陸氏釋文離字从馬今從詩疏詳見釋艸

粲餐也

**註**

今河北人呼食爲粲渝變也**註**謂變易宜肴

也

**註**詩曰與子宜之夷悅也**註**詩曰我心則夷

**正義**鄭風

緇衣云還子授子之祭兮羔裘云舍命不渝女曰雞  
鳴云與子宜之風雨云胡不夷此釋之也毛傳俱  
用爾雅釋文引舍人本渝作榆詩疏引李巡云宜飲  
酒之肴也註今河至爲祭。正義祭餐音相近語有  
輕重耳釋名云餐乾也乾入口也釋文本作殮引字  
林云水澆飯也釋名云殮散也投水於中解散也。  
詩曰至則夷。正義召南草蟲文。

**顛頂也**註頭上耄老也註八十爲耄輪輕也註詩曰德

輶如毛義淺也註詩曰小戎義收正義秦風車鄰云

者其耄駟鐵云輶車義鏹小戎云小戎義收此釋之

也毛傳俱用爾雅義淺本或作踐鄭風東門之墀云有

踐家室毛傳踐淺也疏以爲釋言文註頭上正義

髮鬢顛義八十爲正義郭序顛毛墨子修身篇華

本云八十曰耄九十七曰老七年曰悼悼與老有罪不

加刑焉今本脫曰羣二字毛傳說文俱用禮記占本  
鄭氏易註云年踰七十五肅云八十曰羣皆是也馬  
融易註云七十曰耄何休公羊註云六十稱耄皆異  
文詩疏引孫炎云耄老人面如鐵色也。詩曰至如  
毛。正義大雅蒸民文選註引曹大家  
云輶德德輕而易行說文以輶爲輕車也

絢絞也註糾絞繩索訛化也註詩曰四國是訛跋躡也

註詩曰狼跋其胡蹇踳也註詩曰載蹇其尾正義風七月

云宵爾索絢被斧云四國是叱狼跋云狼跋其胡載  
蹇其尾此釋之也毛傳俱用爾雅方言云車糾自關  
而東周洛韓鄭汝潁而東謂之絢或謂之曲絢郭氏  
彼註云絢亦繩名詩疏引李巡云絢音義同說文云  
云平秩南訛方言云譌化也訛音義同說文云  
跋躡跋也躡踳也詩曰載躡其尾蹇當作躡詩疏引  
李巡云跋前行曰躡踳言前定則不踳鄭註踳也  
孔疏躡謂踳越中庸云言前定則不踳鄭註踳也

烝塵也

**註**

人衆所以生塵埃戎相也

**註**

相佐助飫私也

**註** 宴飲之私孺屬也

**註** 謂親屬

**正義**

小雅常棣云烝也無戎又云飲酒之

飫又云和樂且孺此釋之也毛傳烝填也幽風東山云烝在桑野毛傳烝寘也鄭箋古聲填寘塵同是烝

訓爲塵聲義相兼也戎飫孺之訓毛傳俱用爾雅詩疏引孫炎云飲非公朝私飲酒也李巡云孺骨肉相

親屬也**註** 人衆至塵埃○**正義** 詩疏引孫炎云蒸物久之塵郭註本孫炎按孫炎昧於古音後世望文生

義寘助於孫炎古者聲同聲近者其義卽孺于聲無俟彌爲傳合也○宴飲之私○**正義** 說文云饌燕食

也案周語云王公立飲則有房烝親戚宴饗則有餼承又曰飲以顯物宴以食好是飲禮與燕禮異周語

又云王公之有飲禮將以講事成禮建大德昭大物毛傳云不脫屣升堂謂之飲鄭箋云侯者圖非常之事若議大疑於堂則有飲禮焉聽朝爲公

幕暮也

**註**

幕然暮夜

**正義**

幕訓爲幕以聲近爲義也左氏昭十三年傳云以幕蒙之方言

云幕覆也說文云幕日其也  
从日在艸中幕當從說文作幕

煽熾也熾盛也

**註**

互相訓煽義見詩

**正義**

煽說文作煽熾盛也煽訓爲熾

熾又訓盛義相成也**註**見詩○**正義**小雅十月之交

云艷妻煽方處漢書谷永傳引魯詩云閨妻煽方處

列子黃帝篇扇赫百里是煽爲本字扇爲省  
字煽或體字也魯頌閨宮云俾爾昌而熾

抵本也

**註**

謂根本

**正義**

說文云抵木根也木下曰本土  
虞禮云載猶進抵鄭註抵本也或作

邱春官典瑞云四圭有邸鄭註引爾雅云邸本也  
本又作氏小雅節南山云維周之氏毛傳氏本也

窈窕也

**註**

窈窕閒隙

**正義**

周南關雎云窈窕淑女毛傳  
窈窕幽閒郭氏註方言云窈言閑

都也釋文引舍人本作跳云跳者躍之間  
釋名云跳條也如草木枝條務上行也



淪率也

**註**

相率使

**正義**

小雅雨無正云淪胥以鋪毛傳用爾雅漢書敘傳註晉灼曰齊魯韓

詩作薰薰帥也淪薰聲相近帥卽率字

罹毒也

**註**

憂思慘毒

**正義**

釋詁云罹憂也罹又爲毒也王風兔爰云逢此百罹

檢同也

**註**

模範同等

**正義**

小雅巧言云諧始旣涵鄭箋涵同也史記司馬相如傳云上咸

五徐廣云咸一作函是鄭君所見爾雅本作涵郭本作檢聲之轉也**註**模範同等○**正義**文選註引倉頡篇云檢法度也釋名云檢禁也禁閉諸物使不得開露也

郵過也

**註**

道路所經過

**正義**

上文云逸僇過也郵亦爲過失也小雅賓之初筵云不知

其郵王制云郵罰麗于事晉語云言無郵又云郵而效之郵又甚焉**註**皆云過也通作九包咸論語註云尤過也**註**道路所經過○**正義**郊特牲云郵表峻鄭**註**引詩云爲下國暇邠孔疏云若郵亭屋宇處所孟

子速於置而傳命郭氏以郵  
爲郵亭過爲經過於義亦通

**遜** 遜也

**註** 謂逃去也

**正義** 諫文云

遜也 兩風

狼族云

公孫碩

庸鄭

箋孫當讀如公孫于齊之孫孫之言孫也公羊莊  
元年傳云孫猶孫也內諱奔謂之孫鄭氏易註云遜  
者逃去之名詩疏引孫炎云遁逃去也遁與遜通本  
亦作遜漢書匈奴傳云遂逃竄伏殺傳述贊云攜手

秦遂

**斃** 踣也

**註** 前覆債僵也

**御** 僵

**正義** 踏本

或作仆

說文

元

傳云必自斃疏引釋言云斃踣也孫炎云前覆口踣  
定八年傳云與一人俱斃疏引釋言云斃仆也孫炎

云前覆曰仆踣仆字同前覆者不能起故兼覆亡之  
義宣十五年傳云有以國斃襄十一年傳云踣其國

家偵者隱三年傳云鄭伯之車僨於濟疏引舍人云  
背踣意也案說文云僵僵也吳越春秋云迎風則僵

背風則仆孔疏云仆是前覆偃是卻倒是僵爲仰  
偃也釋名云仆踣也頓踣而前也僵正直僵然也

眡殄也

**註**

謂殄絕

**正義**

上文已云眡致也釋詁云殄盡也眡又訓殄以聲轉爲義皆假借字

也下文障眡也  
爲眡字本義

曷盍也

**註**

盍何不

**正義**

曷盍聲近義同廣雅云曷盍何也

虹潰也

**註**

謂潰敗

**正義**

大雅抑云實虹小子召旻云螽賊內訌毛傳俱云潰也疏俱以爲釋

言文釋文云顧本作訌李本作降說文云訌謂也  
中止也司馬法云師多則人譖繫傳引爾雅注云潰

也散

陪闇也

**註**

陪然真貌

**正義**

玉篇云陪與暗同荀子不苟篇是姦人將以盜名於暗世者也不苟

錢詹事曰陪當爲陰論語高宗諒陰鄭註訓陰爲闇  
蓋據此文古書陰與音通春秋傳鹿死不擇音是也

翻膠也

**註**膠黏翻

**正義**釋詁云膠固也說文引春秋傳云不義不和和或作翻言不義者不

能堅固故左傳下文云厚將崩今本作不暱杜註訓暱爲親則與厚將崩之文詞不相屬矣翻通作昵故又作暱考工記弓人相膠之法云凡昵之屬不能方

杜子春云昵或爲翻翻粘也方言云翻粘也齊魯青徐白關而東或曰翻

孔甚也厥其也

**正義**禹貢云六府孔修史記作六府甚修堯典云厥民析史記作其民析

夏禮也

**註**謂常禮

**正義**釋詁云夏常也常又訓禮者天官鄭註禮經常所秉禮法常所守也

閭臺也

**註**城門臺

**正義**釋官云閭謂之臺詳見下

囚拘也

**註**謂拘執

**正義**說文云囚繫也从人在口中左氏傳云乃拘宛春於衛

史記晉世家作乃囚宛春於衛

攸所也

**正義** 尚貢陽鳥攸居史記作陽鳥所居大雅韓奕云爲韓姑相攸

展適也

**註** 得自申展皆適意云天子非展義不巡守又

禮弓云展墓而入猶曲禮言適墓也

鬱氣也

**註** 鬱然氣出衆釋音義引李巡云鬱盛氣也

宅居也

**正義** 說文云宅所託也釋名云宅擇也擇吉處而營之堯典云宅嵎夷史記作居郁夷

休慶也

**正義** 說文云慶行賀人也士冠禮云承天之休

祈叫也

**註** 祈祭者叫呼而請事又爲叫也說文云叫號

也大雅雲漢云祈年孔夙衆經音義引孫炎云祈爲民求福叫告之詞也

濬幽深也

**註** 濬亦深也**正義** 說文云濬深通川也古文作濬書疏引舍人云濬下之深

也鄭氏易恒初六云溶恒象曰始求深也商頌長發云溶哲維商廣雅云溶智也釋詁云幽微也幽又爲

深也小雅伐木云出自幽谷

哲智也

**正義**方言云哲知也齊宋之間謂之哲書疏引舍人云哲大智也大雅瞻卬云哲夫成城鄭箋

哲多謀慮也

弄玩也

**正義**玉篇云玩戲也小雅斯干云載弄之璋左氏襄四年傳云愚弄其民

尹正也

**註**謂官正也皇匡正也**註**詩曰四國是皇**正義**說文

正是也是直也小雅都人士云謂之尹吉毛傳用爾雅左氏定四年傳云周公相王室以尹天下皇者漸

漸之石云不皇朝矣鄭箋用爾雅皇匡聲相近襄十四年傳云過則匡之周官大司馬之屬有匡人鄭註

主正諸侯**註**謂官正也**正義**皇陶謨云庶尹允諧鄭註用爾雅○詩云至是皇○**正義**陶風破斧文詩

考引董氏云齊詩作匡賈公  
彥引以為據是皇讀如匡也

服整也

**註**

服御之令齊整

**正義**

說文云服用也整齊也  
魏風葛屨云好人服之鄭箋

尚可使  
整治之

聘問也

**註**

見穀梁傳

**正義**

小雅采芣薇云靡使歸聘荀子

**正義**

伯隱九年天王使南季來聘傳云聘問也周官大宗

伯隱九年天王使南季來聘傳云聘問也周官大宗

**正義**

伯云時聘曰問曲禮云諸侯使大夫問於諸侯曰聘

愧慙也

**正義**

說文云愧慙也或作愧小爾雅作慙慙也直

殛誅也

**註**

書曰鯀則殛死

**正義**

說文云殛誅也殊死也

匡繆正俗引應劭釋云殊之者死也漢書高帝紀云

赦天下殊死呂下如淳曰死罪之明白也左傳曰斬  
其木而弗殊韋昭云殊死斬刑顏師古曰殊絕也異  
也言其身首離絕而異處也今本作誅也按說文誅

責也與殛異義常作殊也書曰至殛死○正義洪範文

克能也

正義釋詁云克勝也克又爲能也堯典云克明俊德史記作能明馴德幽風伐柯云匪斧不克

殺梁隱元年傳云克者何能也

翌明也

書曰翌日乃瘳也明古音近芒商明古通用

正義書曰至乃瘳○正義金滕文今木翌作翌漢書載三統厯引周書武成篇若翌日癸巳

訥訟也

正義言訥讒訟爭也小雅節南山云以究王誅

晦冥也

正義冥窈也巳見上文晦又爲冥也穀梁莊十年傳云晦冥也易隨象傳云君子以嚮晦入

息冥

奔走也逡退也

註逡巡却去也外傳曰巳復於事而逡



寔什也

**註**

頓顛倒什

**正義**

奔逡寔皆言行止之容也

皆出走也

逡文選註

引爾雅作跋逡古通用禮記

註引詩云

逡奔走任廟鄉射禮云賓少退鄭註少逡

遁也山陽太守祝穆後碑云鄉黨逡逡朝延便便蓋

漢世論語異文逡逡言退讓也寔貽也斃什也已見

上文註

逡巡至而逡○**正義**郭引外傳今齊語作有

司已於事而竣逡竣音義同文選註引郭璞

爾雅註云逡巡却去也監本闕今據補

亞次也

**正義**

亞說文引賈侍中說以為次弟也特牲饋

食禮云亞獻尸左氏文六年傳云為亞卿焉

諭念也

**註**

相思念

**正義**

釋詁云念思也小雅四牡云

屈極也

**註**

有所限極

**正義**

釋詁云極艘至也屈卽艘

弁同也

**註**

詩曰奄有龜蒙弁蓋也

**註**

謂覆蓋

**正義**

釋名

云蓋加也

加物上也奄本訓蓋轉訓爲同義相成也周頌執競云奄有四方毛傳奄同也奄與弁通詩疏引孫炎云弁覆也蓋亦覆之義易彖傳云剛弁也又通作掩盤庚云子不掩爾善註詩曰至邇蒙。**正義**魯頌閟宮文鄭箋奄覆也說文以奄爲大有餘也故又爲同也

恫痛也

**註**詩曰神罔時恫

**正義**說文云恫痛也一日呻吟也盤庚云乃奉其恫匡繆

正俗云郭景純音呻嗚今痛而呻者江南俗謂之呻吟關中俗謂之呻恫太原俗謂恫喚此以痛而呻吟其義一也

**註**詩曰至時恫。**正義**大雅思齊文

握具也

**註**謂備具

**正義**秦風權輿云夏屋渠渠鄭箋云屋具也孔疏以爲釋言文今本作握

釋文云李本作幄云相位處之具也釋名云幄屋也以帛衣板施之形如屋也

振訊也

**註**振者奮迅

**正義**文選註引韓詩云振奮也廣雅云奮振也奮訊也左氏昭十八

年傳云振除火災孔疏  
所以振訊除去火災也

閱恨也

**註**相怨恨

**正義**恨左傳疏引孫炎本作狠云相

狠从之小雅常棣云兄弟閱于

墻毛傳閱狠也周語云狠毋求勝闕韋註閱狠也酒誥

云厥心疾狠曲禮云狠毋求勝杜預左傳註以爲訟

爭貌是也

**註**相怨恨也

**正義**左傳疏引李巡

越揚也

**註**謂發揚

**正義**周語云汨越九原晉語云夫人美于中必播于外而越于民韋註俱

云越揚也樂記云越于聲音

對遂也

**註**詩曰對揚王休

**正義**大雅蕩云流言以對毛傳對遂也祭統云對揚以辟

之鄭註對遂也詩曰至王休

**正義**大雅江漢文

燬火也

**註**詩曰王室如燬燬齊人語

**正義**詩疏引李巡云燬一名火孫炎

云方言有輕重故謂火爲燬也後漢書註引韓詩薛君章句云燬烈火也

**註**

詩曰至人語

**正義**

周南汝

墳云王室如燬說文引作如焜焜火也燬火也音義

同方言云燬火也楚轉語也猶齊言焜火也詩釋文云齊人謂火曰燬或曰楚人名曰焜齊人曰燬吳人

曰焜此方俗訛語也案燬木作焜秋官有司焜氏

**正義**

說文云怠慢也緩綽也

**懈怠也宣緩也** **註** 謂寬緩 **釋名** 云懈解也骨節解緩也

緩浣也斷也持之不急則動搖浣斷自放縱也懈通

作解商頌殷武云稼穡匪解左氏昭元年傳云於是乎節宣其氣衆經音義引集

**註** 云懈者極也怠者懶也

**遇偶也** **註** 偶爾相值遇 **正義** 文選註引爾雅偶遇也衆

冬見曰遇鄭註遇偶也穀梁隱八年傳云不期而會

日遇曲禮云諸侯未及期相見曰遇 **註** 偶爾相值遇

**正義** 引郭註偶爾相值者矣與今本微異

曩曩也

**註**國語曰曩而言戲也

**正義**釋詁云曩久也說文云曩不久也郭氏云

以曩爲曩義有反覆旁通蓋曩本訓久反覆旁通又爲不久也左氏襄二十四年傳云曩者志入而已檀弓云曩者爾心或開于士相見禮云曩者吾子辱使某見皆言不久也**註**國語至戲也。**正義**晉語里克之辭今本國語作曩而言戲乎韋昭註曩向也

惶暇也

**註**詩曰不遑啓處

**正義**惶本作皇表記引詩云皇恤我後左氏昭十七年傳

云社稷之不皇通作遑別體作惶**註**詩曰至啓處。**正義**小雅四牡文

宵夜也

**正義**說文云夜舍也天下休舍也書疏引舍人云宵陽氣消也堯典云宵中星虛史記作夜中

星虛召南小星云肅肅宵征秋官司卿氏云禁宵行者鄭註宵定昏也

懊忼也

**註**謂愛忼愒貪也

**正義**說文忼貪也春秋傳曰忼歲而

歌曰釋名云貪探也探入他分也玉篇云喚貪也阮  
貪也愛也揭貪羨也案說文引春秋傳左氏昭元年

傳文今本作說歲而揭

曰阮說揭音義同

楮柱也

**註**相摺拄

**正義**楮通作支周語引周詩云天之

韋註支柱也說文云楮柱砥古用木今以石廣  
韻引爾雅楮柱也俱從木俗本俱從手今改正

裁節也

**正義**釋名云節有限節也論語云不知所以裁  
財節也釋文

財節也釋文  
財苟作裁

竝併也

**註**詩曰竝坐鼓瑟

**正義**鄭註儀禮云今文竝皆  
為併禮運云竝于鬼神鄭註

竝併也  
**正義**秦風車鄰文

卒既也

**註**既已

**正義**卒已也終也已見釋詁卒又為既  
廣其義也穀梁桓三年傳云既者盡也

聘禮云既圖事  
鄭註既已也

情慮也

**註**

謂謀慮也

**正義**

說文云情慮也玉篇云情  
釋文云字書作情

將資也

**註**

謂資裝

**正義**

上文云將送也將又為資也召  
南鵠巢云百兩將之聘禮云問幾月

之資鄭註資行用  
也說文云資貨也

褻紩也

**註**

今人呼縫紩衣為褻

**正義**

說文云褻箴縷所  
紩衣紩縫也益稷云絺

繡疏引鄭註云絺讀為褻也尚書詳解引鄭註云  
畫與紩皆有六畫以為繪施之於衣紩以為繡施之  
於裳又鄭註春官司服云絺讀為紩或作褻  
至為褻○**正義**說文云縫以緘紩衣也呼縫衣為作  
箴褻至  
今猶然

遞迭也

**註**

更迭

**正義**

說文云遞更易也迭更迭也書疏  
引李巡云遞者更迭呂氏春秋蕩兵篇

遞典遞廢說卦傳云迭用柔剛

矧况也

註警况

正義

說文云矧况也詞也从矢取詞之

雅伐木云矧伊人矣

廩廩也

註

或說云卽倉廩所未詳

正義

說文云尙穀所

尙而取之故謂之尙尙或作廩釋名云廩矧也寶物

可矧惜者投之其中也文選註引月令章句云穀藏

道逃也

註

亦見禮記

正義

書疏引樊光曰行相避逃謂

○正義緇衣引太甲云自作孽不可道梅賾所

訊言也

註

相問訊

正義

說文云訊問也相問以言



間覘也

**註**

左傳謂之謀今之細作也

**正義**

說文云覘間見也爲間者密有

所間見故謂間爲覘孫子云事莫密于間齊策云乃  
縱反間于燕**註**左傳謂之謀○**正義**襄十一年傳云  
育謀曰齊師遁謂以所見間來告也周官掌戮云掌  
斬殺賊謀而搏之鄭註謀謂姦寇反間者說文云謀  
軍中反

沆沆也

**註**

水流漉沆

**正義**

說文云沆轉流也沆漉沆大  
水也春秋繁露山川頌水則源泉

混混沆沆楚詞九  
思云流沆沆沆

干扞也

**註**

相扞衛

**正義**

干扞以聲爲義周南兔置云公  
侯干扞左氏成十二年傳引詩而釋

之曰此公侯之所以扞城其民也文六年傳云觀  
帥扞之杜註扞衛也釋文引孫炎云扞扞自扞蔽

趾足也

**註**

足脚跡別也

**註**

斷足

**正義**

釋名云足底也趾  
止也言行一進一止也

說文趾作止云止下基也象艸木出有址故以止爲

足易鼎卦云鼎折足鄭註無事曰趾陳設曰足趾尚

書作荆呂刑云荆罰五百刑說文作荆云趾

明也趾斷足也書疏引李巡云斷足曰別

**襄** **駕** **也** **註** **書** **曰** **懷** **山** **襄** **陵** **正** **義** **上** **文** **云** **襄** **除** **也** **襄** **又** **爲**

風大叔于川云兩服上襄毛傳上駕者言爲衆

馬之最良者也 **註** **書** **曰** **至** **襄** **陵** **正** **義** **堯** **典** **文**

**忝** **辱** **也** **正** **義** **說** **文** **云** **辱** **耻** **也** **釋** **名** **云** **辱** **衄** **也** **言** **折** **衄** **也**

**燠** **煖** **也** **註** **今** **江** **東** **通** **言** **燠** **正** **義** **書** **疏** **引** **舍** **人** **云** **燠** **溫** **煖**

也洪範云暫時燠若疏引鄭註燠火氣也唐風

無衣云安且燠兮穀梁桓十四年傳云時燠也

**塊** **塠** **也** **註** **土** **塊** **也** **外** **傳** **曰** **枕** **由** **以** **塠** **正** **義** **說** **文** **云** **由** **璞**

璞塊也璞與塠通既久禮云墜用塊左氏僖二十三

年傳云野人與之塊淮南說林訓以土勝水者非以

一璞塞江也又人間訓云塘漏若巖穴一璞之所能塞也註土塊至以瑠。正義儀禮疏引孫炎云瑠土

塊也郭註本孫炎舊疏述郭註云土由也吳語云疇枕王以璞而去之今引作枕由以瑠於義難通蓋郭

註本作土由也傳寫者改由作瑠以通俗郭註本作枕王以瑠傳寫者又王誤爲由也

將齊也註謂分齊也詩曰或肆或將正義上文云將資

通作齋與資義同鄭註聘禮云古文資作齋天官外府云共其財用之幣齋先鄭云齋或爲資今禮家定

齋作資後鄭註齋資同耳其字以齊次爲聲從貝變易古字亦多或齋行道之財用也說文云齋持遺也

註詩曰至或將。正義小雅楚茨文毛傳或陳子牙或齋其肉疏引王肅云分齊其肉所當用也

餽餽也註糜也正義說文云餽糜也周謂之餽宋謂之

是鬻於是餽余曰鐘鼎款識載叔夜鼎銘云用餽川羹孔疏云今人以薄粥塗物謂之餽紙餽帛則餽

者以鬻食

口之名

**啓跪也註**

小跪

**正義**

左傳疏引李巡云啓跪也小雅

跪也釋名云跪危也兩膝據地體危也起啓也啓

**聘密也註**

謂緻密

**正義**

說文云聘目旁薄緻也聘密緻也

**開闢也註**

書曰闢四門

**正義**

說文云闢開也開張也費

闢書曰闢四門。從門从廌音義同

**袍襦也註**

左傳曰重繡衣裳

**正義**

說文云以絮曰繡以

下至跗者也袍苞也苞內衣秦風無衣云與子同袍  
毛傳用爾雅繡省作繡玉藻云繡爲繡縵爲袍鄭註  
衣著之異名也繡謂之新綿也縵謂今繡及舊絮也  
雜記云子羔之襲也繡衣裳釋名云繡幕也貧者著

衣可以幕絡絮也詩疏稱是袍之別名謂新綿著袍者也註左傳至衣裘。正義襄二十一年傳文

**障**

**吟也**註謂壅障

正義說文云障隔也吟井田間陌也周頌載芟云徂隰徂吟案地官遂人

云十夫有溝溝上有吟是障者所以隔水也莊子齊物論為是而有吟也釋文謂封域吟陌也

**覲**

**姑也**註面姑然

正義說文云覲面見也詩曰有覲面目姑面醜也繫傳云凡人所視瞻心

實見之故有別識無耻之人面見之而已心實否也國語范蠡曰雖覲然人面實禽獸也釋文引舍人云

覲擅也一曰面貌也謂白專擅之貌孫炎李巡云覲人面姑然也方言云秦晉之間曰猶或曰姑郭氏彼

註云言點姑也今建平郡人呼狡為姑方言又云姑姪也或謂之猶案說文引詩小雅何人斯文詩疏引

說文覲面見人姑面覲也與今本字句微異繫傳所引國語今吳語作余雖覲然而人面哉吾猶禽獸也

韋註覲面日之兒也



翳也今本從俗作翳轉据俗本兩雅以改毛傳幸釋

文彼此互見可以正之宋本翻作翳今之羽葆幢

釋名云翳陶也其貌陶陶下垂也幢童也其貌童童

也鄭司農註鄉師云翳羽葆幢也漢書高紀云黃屋

左纛李斐云纛羽毛幢也在乘輿衡左方上注之蔡

邕云以羣牛尾為之如斗或狂駢頭或托衡應劭云

雉尾為之狂左駢當鑣上顏師古云應說非也○舞

者至蔽翳○**正義**君子陽鄭箋翳舞者所持謂羽

舞也疏引李巡云翳舞者所持也孫炎云纛舞者

所持羽也是郭註所本也今本註

闕持字据詩疏所引郭註補正

**隍** 城池空者為**窟** **正義** 窟隍虛也已見釋詁此

引舍人云隍城池也窟溝

也李巡云隍城池也窟溝

**芼** 搯也 **註** 謂拔取菜 **正義** 廣雅云芼搯取也搯拔也周

南關雎云左右芼之疏引孫炎云

皆擇菜也某氏云寒猶拔也寒說文作摎云拔取也南楚語楚詞曰朝搴此之木蘭又通作摎列子天瑞

篇摎蓬而指淮南兵畧訓摎巨旗註云摎卷取也

**典經也**

**正義**釋詩云典常也典又為經申其義也左氏昭十五年傳云言以考典典以志經

**威則也**

**正義**上文言云是則也威又為則也周頌有客云既有淫威毛傳

用爾雅鄭箋既有大則謂用殷正朔行其禮樂如天子也釋名云威畏也可畏懼也左氏襄三十一年傳

云令尹無威儀民無則焉

**苛姢也**

**正義**姢與齡通方言云齡苛煩苛者多嫉姢怒也小怒曰齡陳謂之苛又

鄭註內則云苛疥也是姢本或作疥鄭君所見爾雅本與郭異釋名云疥齡也癢搔之齒頰齡也

**芾小也**

**正義**釋文引子夏易豐其芾傳云小也召南云蔽芾甘棠毛傳蔽



芾小貌芾又通作第大雅卷阿云第祿爾康矣毛傳第小也

迷惑也

**正義**

說文云惑亂也曲禮疏引何允云迷於事為惑易坤卦云先迷後得

狂復也

**註**

狂怏復為

**正義**

釋文引李巡云狂能屈申曰復鄭風太叔于田云將叔無狂毛

傳狂習也左氏僖十五年傳云一夫不可狂況國乎

也詩疏引孫炎云狂怏前事復為也郭註本孫炎後漢書註云狂怏猶慣習也謂慣習前事而復為之

逼迫也

**正義**

小爾雅云逼近也說文云迫近也逼與逼通左氏隱十一年傳云實逼處此

般還也

**註**

左傳曰般馬之聲班賦也

**註**

謂布與

**正義**

反也賦

量也已見上此又廣其義也般還班古字通用鄭氏易乘馬般如今本作班如舜典班瑞于羣后史記引

作還瑞廣雅云班賦布也班通作盼王制云名山大澤不以盼鄭註盼讀為班又通作頌祭義云頌禽鄭

註頌之言分也註左傳至之聲○正義襄十八年傳文今本般作班桓六年傳云使魯爲其班○謂布與○正義書疏引孫炎云謂賦與也衆經音義引李巡云班徧賦與也小爾雅云頌賦布也

**濟渡也濟成也濟益也**註所以廣異訓各隨事爲義正義

方言云過渡謂之涉濟郭氏被註云猶今云濟渡盤庚云若乘舟汝弗濟檀弓云濟於河鄭註濟渡也樂記云事蚤濟也祭統云義者所以濟志也鄭註濟成也左氏桓十三年傳云必濟師言增益也濟本訓爲渡轉訓爲成又訓爲益義相成也

**緡綸也**註詩曰維絲伊緡緡繩也江東謂之綸正義說文云緡

釣魚繫也小雅采綠云言綸之繩鄭箋綸釣繳也孔疏綸是繩名釣繳者謂繫繩於釣竿也註詩曰至之綸○正義維絲伊緡召南何彼濃矣文疏引孫炎云皆繩名也郭註本孫炎今江南統謂之釣綸郭引方

俗語所以別於綸綬也

**辟歷也****註**未詳**正義**釋詁云辟律法也律與歷聲相近漢書律歷志云以律起歷又云律法也

莫不取法焉辟歷以聲為義也

**漦盞也****註**漦漦出涎沫**正義**說文云漦順流也漦浚也盞通作漦已見釋詁釋文引李

巡云吐沫漦也周語云卜請其漦而藏之韋註漦龍所吐沫龍之精氣也

**寬綽也****註**謂寬裕也**正義**說文云寬屋寬大也綽緩也玉篇云寬綽也詩疏引孫炎云性

之裕者舜典云敬敷五教在寬衛風淇澳云寬兮綽兮毛傳寬能容眾

**袞黻也****註**袞衣有黻文**正義**說文云袞天子享先王卷龍繡於下幅一龍蟠阿上鄉袞

訓為黻者上文云黼黻彰也是彰明也大雅蒸民云山龍彰也是亥訓為黻亦言其彰明也

衮職有闕司隸校尉魯峻碑作緄職鄭註典同云硯  
讀爲衮衮通作昆昆者明也如昆蟲爲明蟲是也

**華皇也**

**註**釋草曰墓華榮

**正義**今本作皇華也釋文先

云離華榮也讀若皇爾雅曰離華也或作墓案說文

多取互訓以華訓墓不必其定爲爾雅原文也今從

釋文本詩疏引樊光云詩云皇皇者

華孫炎云皇皇猶煌煌詳見釋草

**昆後也**

**註**謂先後方俗語

**正義**左氏哀十八年傳引夏

也註謂先至俗語○**正義**衆經音義引郭

註云謂兄後也方俗異言耳與今本異

**彌終也**

**註**終竟也

**正義**彌說文作彌云久長也當從之

爽云彌終也淮南原道訓橫之而彌於四海高誘註

彌終也釋詁起於始者君子慎始也釋言迄於終者

示民有

終也

爾雅正義卷第三